

POLISI FFIOEDD 2018-19

CWMPAS A DIBEN Y POLISI

Diben y Polisi Ffioedd yw amlinellu'r dull gweithredu ar gyfer codi ffioedd dysgu a ffioedd eraill ar fyfyrwyr a'r rheiny sy'n defnyddio Gwasanaethau'r Coleg.

Yn unol â Deddf Dysgu a Sgiliau 2002 (Y Ddeddf) mae gan y Coleg ddyletswydd drwy Lywodraeth Cymru (LIC) i sicrhau:

- 1 darpariaeth o gyfleusterau priodol ar gyfer: addysg (heblaw am addysg uwch) sy'n addas i ofynion unigolyn sy'n hŷn na'r oedran gorfodol ond sydd heb gyrraedd ei ben-blwydd yn 19 oed ar 31 Awst neu cyn y dyddiad hwn yn unrhyw flwyddyn academiaidd; a
- 2 darpariaeth o gyfleusterau rhesymol ar gyfer: addysg (heblaw am addysg uwch) sy'n addas i ofynion unigolyn sydd wedi cael ei ben-blwydd yn 19 oed ac yn cael hyfforddiant cysylltiedig ac amser hamdden wedi'i drefnu fel y diffinnir yn y Ddeddf.

Wrth wneud hynny, bydd y Coleg yn ceisio darparu rhestr o'r ffioedd a chonsesiynau a fydd yn annog cyfranogiad a chynhwysiant mewn addysg a hyfforddiant, wrth sicrhau bod y Coleg yn diogelu ei asedau ac yn gwneud y defnydd gorau o gronfeydd cyhoeddus, a sicrhau diogelwch ariannol.

Mae'n ofynnol i'r Polisi Ffioedd hwn sicrhau bod dull gweithredu teg a chyson yn cael ei fabwysiadu i godi ffioedd ar ddysgwyr yng Ngholeg Caerdydd a'r Fro.

DATGANIADAU'R POLISI

Bydd y Polisi Ffioedd yn rhoi gwybod i staff, myfyrwyr ac unrhyw randdeiliaid eraill sut y caiff ffioedd cyrsiau ac ad-daliadau eu rheoli a'u cyflwyno. Bydd yn darparu ffordd o gyfathrebu sut mae amcanion cynlluniau strategol a gweithredol y Coleg yn ymwneud â chodi ffioedd.

AMODAU FFIOEDD CYFFREDINOL - PERTHNASOL I'R HOLL DDYSGWYR

- Bydd ffioedd cyrsiau yn cael eu hadolygu bob blwyddyn. Caiff ffioedd cyrsiau eu codi ar gyfer pob blwyddyn astudio, a byddant yn cael eu cyhoeddi ar dudalen wybodaeth y cwrs hwnnw ar wefan y Coleg, ac ym mhrosbectws cyhoeddus y Coleg.
- Bydd y Coleg yn ymdrechu i gynnal yr holl ddosbarthiadau yn brydlon ac yn unol â'r amserlen. Os bydd gweithred natur neu drydydd parti lle mae

angen canslo dosbarthiadau i sicrhau diogelwch myfyrwyr a staff, ni fydd ad-daliadau yn cael eu gwneud.

- Gall methu â bodloni taliadau yn ôl y drefn arwain at eich hawl i ddefnyddio cyfleusterau'r Coleg (gan gynnwys yr hawl i ddefnyddio TG) yn cael ei thynnu'n ôl, eich atal rhag parhau i'ch cam astudio nesaf, eich atal rhag mynychu dosbarthiadau, ac yn achos dysgwyr AU, eich atal rhag graddio.
- Rhaid talu'r ffioedd ar adeg ymrestru. Gellir talu'r ffioedd drwy'r dulliau talu canlynol:
 - (a) Arian Parod
 - (b) Cardiau Debyd a Chredyd
 - (c) Taliadau Debyd Uniongyrchol (gweler adran 13)
 - (d) Cyllid Myfyrwyr Cymru/Cwmni Benthyciadau Myfyrwyr ar ôl derbyn hysbysiad ariannol myfyriwr ar gyfer Cwrs Addysg Uwch. Os nad yw'r myfyriwr wedi cael cadarnhad o'i gefnogaeth ariannol ar adeg ymrestru, yna rhaid iddo ddarparu tystiolaeth o'i gais am fenthyciad gan y Cwmni Benthyciadau Myfyrwyr; byddai tystiolaeth dderbyniol yn cynnwys llythyr/e-bost gan y Cwmni Benthyciadau Myfyrwyr yn cadarnhau bod ei gais wedi dod i law
 - (e) Anfoneb gan gyflogwr, ynghyd â llythyr awdurdodi gan y cyflogwr. Rhaid i'r llythyr awdurdodi fod ar bapur â phennawd y Cyflogwr.
- Os bydd noddwr/cyflogwr yn gwrthod talu, bydd y myfyriwr yn atebol am unrhyw ffi sy'n weddill. Os nad yw'r noddwr yn bodloni'r anfoneb yn unol â thelerau talu arferol y Coleg, yna bydd anfoneb yn cael ei hanfon at y myfyriwr. Ni chynigir opsiwn rhandaliadau i Gyflogwyr/Noddwyr ar gyfer Cyrsiau Masnachol neu Addysg Uwch.
- Bydd ffioedd yn cael eu casglu cyn dechrau'r cwrs. Ni fydd staff academiaidd ynghlwm â'r broses o gasglu ffioedd nac yn ymdrin ag arian, ond bydd disgwyl iddynt drosglwyddo gwybodaeth mewn perthynas â ffioedd i ddysgwyr yn y dosbarthiadau. Yn ogystal, disgwylir i Benaethiaid Adran ddarparu gwybodaeth sy'n berthnasol i Gyllid, megis gwybodaeth ynglŷn ag ymrestru myfyrwyr a chysiau wedi'u canslo.
- Ni ellir trosglwyddo ffioedd neu flaendaliadau cyrsiau o un tymor/blwyddyn i un arall neu o un unigolyn i unigolyn arall.
- Bydd yr holl ymholiadau sy'n ymwneud â Debyd Uniongyrchol yn cael eu cyfeirio at yr Adran Gyllid.
- Mae gan y Coleg yr hawl i basio unrhyw ddebyd sy'n orddyledus i asiantaeth casglu dyledion trydydd parti.

Ysbrydoledig. Cynhwysol. Dylanwadol.

Ysbrydoledig. Cynhwysol. Dylanwadol.

www.cardiffandvalecollege.ac.uk

Rhif Adolygu:	7
Dyddiad Adolygu	20/06/2018
Dyddiad Adolygu	20/06/2020

- Bydd gofyn i unrhyw fyfyrwr sydd â dyled heb ei thalu o flynyddoedd blaenorol ac sy'n ceisio ail-ymrestru yn y Coleg wneud trefniadau i dalu'r ddyled sy'n ddyledus cyn cael ei dderbyn. Bydd unrhyw daliad a wneir gan y myfyrwr yn cael ei roi yn erbyn y ddyled hynaf yn gyntaf.
- Bydd angen i'r Swyddog Gweithredol ystyried a chymeradwyo unrhyw amgylchiadau eithriadol nad ydynt yn cael sylw yn y polisi isod cyn y gwneir penderfyniad mewn perthynas â'r ffi i'w chodi.
- Ni fydd y ffi a godir ar ddysgwr yn cael ei hepgor nac ei haddasu o'r ffi a nodir yn y prospectws cyhoeddedig ar gyfer y cwrs hwnnw, ac eithrio yn unol â'r dileadau ffi cytunedig a nodir yn adran 4.

DILEADAU FFIOEDD

Bydd gostyngiadau i ffioedd yn cael eu cymhwyso lle mae'r myfyrwr yn bodloni'r meini prawf isod yn unig:

Swm y dilead	Math o gwrs	Categori'r myfyrwr	Tystiolaeth sydd ei hangen
Dilead o 100%	Cyrsiau AB wedi'u hariannu	Ceiswyr Lloches	Prawf o statws Ceisiwr Lloches
	Cyrsiau AB wedi'u hariannu	Plant sy'n derbyn gofal	Dogfennaeth gan yr awdurdod lleol
	Cyrsiau AB wedi'u hariannu (ffioedd cwrs yn unig*)	Y rheiny dan 19 oed	Prawf oed
	Sgiliau Sylfaenol, Sgiliau Hanfodol Cymru a chymwysterau ESOL hyd at lefel 1	Y cwbl	Dim

* Mae angen i'r rheiny dan 19 oed dalu ffi weinyddu ac ar gyfer cyrsiau rhan-amser, ffioedd arholiadau os yw hynny'n berthnasol.

DYSGWYR ADDYSG BELLACH

Bydd yr holl fyfyrwyr Addysg Bellach yn gorfod talu ffi weinyddu, ac eithrio ceiswyr lloches adnabyddedig a phlant sy'n derbyn gofal.

Mae gan ddysgwyr llawn amser yr hawl i ymrestru am ddim ar unrhyw gwrs Cymraeg, Llythrennedd, Rhifedd, Saesneg TGAU neu Fathemateg TGAU rhan-amser.

Nid yw dysgwyr rhan-amser sy'n dilyn nifer o gyrsiau rhan-amser yn golygu eu bod yn cael statws dysgwr llawn amser. Rhaid talu'r holl ffioedd yn llawn.

Os bydd dysgwr yn ymrestru ar gwrs ar ôl dyddiad dechrau'r cwrs, bydd rhaid iddo dalu'r ffi lawn ar gyfer y cwrs.

CYRSIAU RHAN-AMSER

CYRSIAU MASNACHOL RHAN-AMSER

Nid yw'r cyrsiau hyn yn cael eu hariannu gan Lywodraeth Cymru ac felly mae'r ffioedd llawn yn berthnasol i'r holl fyfyrwyr. Bydd ffioedd y cwrs yn cynnwys ffi gofrestru, ffi ddysgu, a ffi arholiadau lle mae hynny'n berthnasol. Mae ffioedd cyrsiau ar gael ar wefan y Coleg. Rhaid i unigolion dalu ffioedd y cwrs yn llawn wrth archebu/cadw lle neu sefydlu debyd uniongyrchol priodol. Nid oes dileadau na chynlluniau rhandaliadau ar gael ar gyfer cyrsiau masnachol.

CYRSIAU RHAN-AMSER WEDI'U HARIANNU GAN LYWODRAETH CYMRU

Nid yw'r ffioedd yn daladwy ar gyrsiau sy'n cael eu hariannu gan Lywodraeth Cymru gan fyfyrwyr sy'n:

- iau na 19 oed ar 31 Awst ar ddechrau'r flwyddyn academiaidd; neu'n
- ymgymryd â Sgiliau Sylfaenol, Sgiliau Hanfodol Cymru neu gymwysterau ESOL hyd at Lefel 1

I ddysgwyr nad ydynt yn bodloni'r meini prawf uchod, gall cyrsiau rhan-amser eraill a ariennir gan Lywodraeth Cymru fod ar gael nad ydynt yn codi ffioedd dysgu. Mae rhestr lawn o gyrsiau a ffioedd cyfredol ar gael ar wefan y Coleg.

Mae disgwyl i'r holl fyfyrwyr dalu'r ffi weinyddu briodol ar gyfer y Cwrs.

CYRSIAU AR-LEIN

Rhaid talu ffioedd cwrs ar gyfer cyrsiau ar-lein cyn i'r cwrs ddechrau a chyn y darperir deunyddiau'r cwrs neu wybodaeth fewngofnodi.

TROSGLWYDDO RHWNG CYRSIAU

Mae'n bosibl y dymuna rhai dysgwyr drosglwyddo o'u dewis cwrs i un arall. Bydd trosglwyddiadau yn amodol ar gytundeb rhwng y ddwy adran berthnasol, a thalu unrhyw ffioedd ychwanegol. Ni ddylai'r cyfnod rhwng tynnu'n ôl oddi ar y cwrs cychwynnol a dechrau'r cwrs newydd fod yn hirach na 3 wythnos.

Os yw'r cwrs newydd yn werth mwy, rhaid talu'r gwahaniaeth cyn dechrau'r cwrs. Os yw'r cwrs newydd yn werth llai, yna ni fyddwn yn ad-dalu. Ni fydd yn bosibl trosglwyddo i gwrs sy'n dechrau fwy na 3 wythnos ar ôl tynnu'n ôl o'r cwrs cychwynnol; bydd gofyn i'r myfyriwr dynnu'n ôl ac ail-ymrestru, a bydd yn amodol ar y polisi ad-dalu sydd wedi'i nodi yn adran 12.

DYSGWYR ADDYSG BELLACH - COSTAU YCHWANEGOL

Mae rhestr o'r costau ychwanegol fesul cwrs ar gael a rhoddir gwybod i'r ymgeisydd am y rhain yn y cyfweiliad. Ni fyddwn yn ad-dalu costau ychwanegol os yw dysgwr yn tynnu'n ôl o'r Coleg.

ARGRAFFU

Bydd angen talu am gostau argraffu yn ogystal â'r isafswm. Mae manylion y costau hyn ar gael yng Nghanolffannau Llwyddiant y Coleg.

TRAFNIDIAETH GYHOEDDUS

Mae gofyn i fyfyrwyr sy'n gymwys am drafnidiaeth gyhoeddus gymorthdaledig wneud cyfraniad ariannol tuag at gost hyn. Bydd blaendal ni ellir ei ad-dalu yn daladwy cyn archebu'r pàs trafnidiaeth, gyda'r ffi sy'n weddill yn daladwy wrth i chi ei gasglu. Ni fyddwn yn ad-dalu costau trafnidiaeth gyhoeddus os yw dysgwr yn tynnu'n ôl o'r Coleg. Os byddwch yn colli pàs, bydd rhaid i chi dalu am un newydd; bydd angen talu cyn archebu pàs newydd.

CYRSIAU ADDYSG UWCH

Ar gyfer cyrsiau AU sy'n gweithredu fel rhan o gytundeb etholfraint, mae'r ffioedd wedi'u gosod yn unol â ffioedd y sefydliad partner.

Codir ffioedd dysgu blynyddol ar fyfyrwyr. Bydd ffioedd dysgu ar gyfer cyrsiau AU breiniol yn cael eu gosod mewn cytundeb â'r Brifysgol, sy'n dilysu'r rhaglen ac yn gyfrifol amdani'n gyffredinol. Gall myfyrwyr dalu eu ffioedd dysgu yn llawn neu'n rhannol gyda benthyciad ffi ddysgu gan y Cwmni Benthyciadau Myfyrwyr, yn ddibynnol ar feini prawf penodol. Os nad yw myfyriwr yn gwneud cais am unrhyw fath o gefnogaeth ariannol tuag at ffioedd dysgu, neu'n dewis gadael yn ystod ei gwrs, bydd yn parhau i fod yn gyfrifol am y ffioedd dysgu.

Rhaid i fyfyrwyr gytuno ar ddull talu ffioedd dysgu wrth ymrestru, ac adeg hynny bydd y Coleg yn cadarnhau'r gweithdrefnau a'r amserlenni talu angenrheidiol.

Caiff ffioedd cyrsiau Addysg Uwch eu cyhoeddi ar y wefan, ar ôl i CCAUC gytuno ar gynlluniau ffioedd prifysgol partner.

CYLLID MYFYRWYR - BENTHYCIAD/GRANT FFIOEDD DYSGU

Gall myfyrwyr cartref/UE gael benthyciad/grant gan y Cwmni Benthyciadau Myfyrwyr i dalu am ffioedd dysgu. Rhaid i'r myfyriwr wneud trefniadau gyda'r Cwmni Benthyciadau Myfyrwyr cyn ymrestru ar ei raglen astudiaeth.

Rhaid i'r myfyriwr ddarparu tystiolaeth o'i gais am fenthyciad/grant gan y Cwmni Benthyciadau Myfyrwyr ar adeg ymrestru. Byddai tystiolaeth dderbyniol yn cynnwys llythyr dyfarniad ariannol yn manylu'r cyfraniad a delir gan y Cwmni Benthyciadau Myfyrwyr tuag at ffioedd y myfyriwr neu, mewn perthynas â cheisiadau hwyr, llythyr/e-bost gan y Cwmni Benthyciadau Myfyrwyr yn cadarnhau bod ei gais wedi dod i law. Rhaid i fyfyrwyr sydd â llythyr cadarnhad bod eu cais wedi dod i law ddarparu llythyr dyfarniad ariannol cyn pen 60 diwrnod. Bydd methu â gwneud hynny yn golygu bod y myfyriwr yn dod yn atebol am y ffi ddysgu lawn.

Os yw myfyrwyr yn penderfynu peidio â chymryd y gefnogaeth lawn mewn perthynas â ffioedd, bydd angen talu'r ffioedd sy'n weddill naill ai'n llawn neu mewn rhandaliadau.

MYFYRWYR RHYNGWLADOL

Rhaid i'r holl fyfyrwyr rhyngwladol gydymffurfio â'r Telerau ac Amodau ar gyfer Myfyrwyr Rhyngwladol sydd ar gael o'r Swyddfa Ryngwladol.

AILSEFYLL ARHOLIADAU

CYMRAEG, SAESNEG A MATEMATEG TGAU

Gall dysgwyr llawn amser ail-sefyll arholiadau TGAU mewn Cymraeg, Saesneg a Mathemateg unwaith heb orfod talu ffi'r arholiad os ydynt eisoes wedi cyflawni gradd D TGAU yn y pwnc y maent yn ei ail-sefyll. Rhaid i'r dysgwr dalu am ffioedd arholiadau ar gyfer unrhyw arholiadau eraill yr hoffai eu hail-sefyll.

DYSGWYR LLAWN AMSER

Ac eithrio'r arholiadau ail-sefyll hynny nad ydynt wedi'u cynnwys yn 10.1, bydd ffioedd arholiadau ail-sefyll yn daladwy gan ddysgwyr yn unol â'r cyfraddau a godir gan y corff Dyfarnu.

DYSGWYR RHAN-AMSER

Mae ffioedd arholiadau rhan-amser wedi'u cynnwys yn ffi'r cwrs oni bai fod angen i'r dysgwr gofrestru i'r arholiadau gyda'r bwrdd yn uniongyrchol. Yn yr achosion hynny, bydd gofyn i ddysgwyr dalu'r ffi arholiadau i'r bwrdd arholi, a bydd ffi'r cwrs yn cael ei haddasu yn unol â hynny.

Bydd ffioedd ail-sefyll arholiadau yn daladwy gan ddysgwyr yn unol â'r cyfraddau a godir gan y Corff Dyfarnu.

FFIOEDD COFRESTRU HWYR

Yn achos bob arholiad sy'n cael ei ail-sefyll, gan gynnwys y rheiny sydd wedi'u disgrifio yn 10.1, bydd unrhyw ffioedd cofrestru hwyr a godir gan y Corff Dyfarnu yn daladwy gan ddysgwyr oni bai mai'r Coleg sydd ar fai am y cofrestriad hwyr.

AD-DALIADAU A CHANSLO CYRSIAU AR GYFER CYRSIAU LLAWN A RHAN-AMSER

CYRSIAU ADDYSG BELLACH - LLAWN A RHAN-AMSER

Coleg wedi canslo'r Cwrs	Ad-daliad llawn
Myfyriwr yn canslo cyn dechrau'r cwrs	Ad-dalu cost y cwrs ac eithrio tâl gweinyddu o £50
Myfyriwr yn canslo ar ôl dechrau'r cwrs	Dim ad-daliad

MYFYRWYR RHYNGWLADOL (AC EITHRIO ADDYSG UWCH)

Coleg wedi canslo'r Cwrs	Ad-daliad llawn
Fisa wedi'i gwrthod	Ad-daliad ac eithrio ffi weinyddu o £500
Myfyriwr yn tynnu'n ôl	Dim ad-daliad

SAESNEG I FYFYRWYR RHYNGWLADOL

Coleg wedi canslo'r Cwrs	Ad-daliad llawn
Myfyriwr yn canslo'r cwrs ar ôl ymrestru	Dim ad-daliad

CYRSIAU MASNACHOL RHAN-AMSER

Coleg wedi canslo'r Cwrs	Ad-daliad llawn
Ymgeisydd yn canslo 2 wythnos cyn dyddiad dechrau'r cwrs	Ad-daliad llawn
Ymgeisydd yn canslo 1 wythnos cyn dyddiad dechrau'r cwrs	Ad-daliad o 50%
Ymgeisydd yn canslo gan roi llai na 1 wythnos o rybudd	Dim ad-daliad

CYRSIAU ADDYSG UWCH

Mae atebolrwydd myfyriwr am y ffioedd yn dibynnu ar statws ei ffi (Cartref, UE neu Ryngwladol), rheoliadau ei brifysgol freiniol a'r dyddiad tynnu'n ôl. Bwriad y canlynol yw dangos yr atebolrwydd lleiaf posibl ond cynghorir myfyrwyr i wirio eu hatebolrwydd gwirioneddol gyda'r coleg/prifysgol freiniol:

Rheswm dros dynnu'n ôl	Atebolrwydd y myfyriwr am dalu'r ffioedd
Coleg wedi canslo'r Cwrs	Dim
Myfyriwr yn tynnu'n ôl o fewn 2 wythnos o ddyddiad dechrau'r cwrs	Dim
Myfyriwr yn tynnu'n ôl ar ôl 2 wythnos ond yn ystod Tymor 1	Lleiafswm o 25% (noder: gwiriwch reoliadau prifysgolion gwahanol)
Myfyriwr yn tynnu'n ôl yn Nhymor 2	Lleiafswm o 50% (noder: gwiriwch reoliadau prifysgolion gwahanol)
Myfyriwr yn tynnu'n ôl yn Nhymor 3	100%

Cyfrifoldeb y dysgwr yw sicrhau ei fod wedi'i dynnu oddi ar y rhaglen. Gan fod y ffi a godir yn dibynnu ar y dyddiad mynychu diwethaf, dylid rhoi sylw penodol i'r dyddiad tynnu'n ôl.

Ni fydd myfyrwyr sydd wedi cael benthyciad ffi ddysgu yn gymwys am ad-daliad yn uniongyrchol gan y coleg. Bydd CAVC yn hysbysu'r Cwmni Benthyciadau Myfyrwyr am atebolrwydd ffi ddysgu'r myfyriwr a bydd y Cwmni Benthyciadau Myfyrwyr yn addasu atebolrwydd benthyciad ffi ddysgu'r myfyriwr yn unol â hynny.

CYRSIAU WEDI'U CANSLO GAN Y COLEG

Lle mae Cwrs yn cael ei ganslo gan y Coleg, rhoddir ad-daliad llawn. Bydd gofyn i'r Myfyriwr gwblhau'r "Ffurflen Addasu Rhaglen Ddysgu" a'i hanfon at yr Adran Gyllid. Bydd yr holl ad-daliadau yn cael eu gwneud drwy daliad BACS a gallant gymryd hyd at bedair wythnos. Bydd angen derbynneb ddilys yn nodi'r taliad cyn prosesu unrhyw ad-daliad.

RHANDALIADAU

Mae ffioedd cwrs dros £250 yn gymwys am gynllun rhandaliadau. Mae angen 25% o ffi'r Cwrs fel blaendal wrth ymrestru a bydd angen tri thaliad debyd uniongyrchol misol o 25% wedi hynny.

Bydd myfyrwyr sy'n ymrestru ar gwrs sy'n para llai na 3 mis ac mae'r costau yn fwy na £250 yn cael cynnig debyd uniongyrchol yn unig hyd at ddyddiad cwblhau'r cwrs.

Nid yw rhandaliadau ar gael i ddysgwyr sydd wedi'u tynnu'n ôl am beidio â thalu ffioedd.

ARCHEBU YSTAFELLOEDD

Bydd taliadau ar gyfer archebu ystafelloedd yn cael eu gwneud naill ai ar adeg archebu neu drwy anfoneb.

MEITHRINFA DDYDD

Mae ffioedd ar gyfer y Feithrinfa Ddydd ar Heol Colcot a'r holl gostau cysylltiedig ar gael ar wahân gan Reolwr y Feithrinfa Ddydd.

Bydd ffioedd yn cael eu casglu bob mis ar y 15fed o bob mis. Byddwch yn talu 2 wythnos ymlaen llaw a 2 wythnos mewn ôl-ddyledion. Mae manylion llawn mewn perthynas â thalu ffioedd, cynllun, cynyddu/lleihau'r nifer o ddyddiau sydd eu hangen a'r cynlluniau talu â thalebau ar gael gan Reolwr y Feithrinfa Ddydd.

ADDASU FFIOEDD

Noder bod gan y Coleg yr hawl i addasu ffioedd yn ystod cyfnod y Polisi hwn. Gwiriwch gyda'r Rheolwr priodol am y ffioedd mwyaf diweddar.

EITHRIADAU

Dan amgylchiadau eithriadol, a chyda chymeradwyaeth ysgrifenedig gan aelod o Swyddogion Gweithredol y Coleg, mae gan y Coleg yr hawl i ddefnyddio ei ddisgresiwn wrth gymhwyso'r polisi hwn.

Datganiad Cydraddoldeb ac Amrywiaeth

Yn unol â gweithdrefnau'r Coleg, mae Asesiad o Effaith ar Gydraddoldeb yn cael ei gynnal ar gyfer y Polisi hwn ar hyn o bryd.

Goblygiadau Iechyd a Diogelwch

Nid oes goblygiadau Iechyd a Diogelwch mewn perthynas â'r polisi hwn.

Polisiâu Cysylltiedig

Holl Bolisiau'r Coleg. Gweithdrefnau Cysylltiedig Holl Weithdrefnau'r Coleg.
Lleoliad a Mynediad at y Polisi

Mae'r polisi hwn ar gael ar y fewnwyd staff ac efallai na fydd yn gyfredol os
yw wedi'i argraffu.

Mae fersiwn Saesneg o'r ddogfen hon ar gael.

Dyddiad cymeradwyo: Mehefin 2018

Cymeradwywyd gan: Dirprwy Bennaeth Cwricwlwm,
Ansawdd a Thaith y Dysgwr a Dirprwy Bennaeth Adnoddau

Dyddiad adolygu: 20/06/2020

Rheolwr Atebol: Pennaeth Cyllid

Arweinydd Gweithredol: Is-bennaeth Adnoddau

Hygyrch i Fyfyrwyr: Ydy